

Ngā paerewa Tautokorua NCEA kua whakapaitia ake



Kua whakapaitia e mātou ngā paerewa Tautokorua NCEA kia rata ake ai ki ngā ākonga, kaiako, me ngā kaimāka aromatawai.

E urupare ana ngā panoni ki ngā whakahokinga kōrero mai i ngā kura i whai wāhi ai ki te taurira Tautokorua NCEA me ngā tau kōwhiri mai i te 2021 ki te 2023.

Ka taea tonu te whakatairite i ngā paerewa Reo Matatini me te Pāngarau kua whakapaitia ake ki ērā o ngā tau o mua. Kei roto i ngā panoni āhua iti nei:

- Ko te whakamahuki i te pūtake o te paerewa Pānui Reo Matatini, ko te aromatawai i ngā pūkenga aroā pānui i te taumata tūāpapa o te reo matatini te pūtake;
- Ko te whakarite kia ōrite ngā kīanga ki ērā o Ngā Paerewa Paetae Taumata 1 NCEA, kia pai ake te whakaata i te whakaurunga o ngā ākonga Moananui-a-Kiwa, o ngā whenua mana motuhake i raro i te maru o Aotearoa anō hoki;
- Ko te whakamārama me te tautoko i te whakamahinga o ngā tātaitai me ngā pūtakikupu kua whakaaetia hei wāhanga o te pūhara matihiko Tārua Aromatawai ka taea e ngā ākonga te whakamahi i roto i ngā Ngohe Aromatawai Noa (CAA) mō te Tuhituhi me te Pāngarau; ā,
- ko te whakaū i te whakamahinga tōtika o ngā utauta matihiko i ngā aromatawai hei wāhanga o te āheitanga Āhuetanga Aromatawai Motuhake (SAC) o tētahi ākonga.



Kāore aua panoni e whakaiti i te taumata o te reo matatini me te pāngarau ka hiahiatia kia tutuki te Tautokorua, ka mutu e kore e kaha te pānga ki te aromatawai, te pānga rānei ki ngā hōtaka whakaako.

Hei whakapai ake i te māmā o te whakamahi i ngā paerewa Te Reo Matatini me te Pāngarau, i oti ēnei panoni:

- i wehea te paerewa Reo Matatini ki ngā paerewa motuhake e rua, e 5 ngā whiwhinga o tēnā, o tēnā: Te Reo Torohū - te whakarongo me te pānui, me Te Reo Whakaputa - te kōrero me te tuhituhi. He kaha ake tō tēnei whakaata i ngā paerewa Aroā Panui Reo Matatini me te Tuhituhi Reo Matatini i te arareo Ingarihi.
- i whakahoutia ngā putanga whakatutuki o te paerewa Pāngarau hei whakapai ake i te māramatanga me te māmā o te whakamahi;
- i tāpiria ngā tauākī whānuitanga me ngā ine rahi ki ngā paerewa Reo Matatini e rua me te paerewa Pāngarau, kia māmā ai te whakamahi, kia tōtika ake ai te hoatu māka; ā,
- i whakarerekētia te taitara o te paerewa Pāngarau ki Te whakamahi pāngarau hei whakatutuki i ngā hiahia pāngarau o ngā pūāhua whitake kia noho wehe ai i te Putanga Ako tuarua.

Ētahi atu mōhiohio me ngā rauemi



Overview: NCEA Co-requisite standards:

<https://ncea.education.govt.nz/overview-NCEA-corequisite-standards>



NCEA Literacy and Numeracy resources for kaiako

<https://ncea.education.govt.nz/literacy-and-numeracy-resources>